

crudadas or a curt taimp ed er famiglias tgi purtavan igls unfants tar nous, tgi on banduno la regiun.

Monika Battaglia: Ma nous vagn adegna puspe domino las sfidas ed ans mutivo vicendevla-maintg, er schi gl'è betg adegna sto simpel - ed è anc adegna betg.

Bettina Bergamin: Nous nign a batter anavant per tgi la canorta possa restar. Perte nous ischan persvadeidas tgi ella è en anritgamaint per la val.

Tge è planiso scu proxim?

Monika Battaglia: Per evaluar la situaziun actuala faschaisa las proximas emdas ena retschertga digl basigns an Surses.

Bettina Bergamin: Tiers chegl ischans an discurs cun la Scola Surses concernent la collaboraziun per ena tgira cumplementara siva la scola.

Monika Battaglia: La scola stò gio offereir ena talia sen fundamaint dallas preteisas digl cantun, so pero per solit betg realisar ella perveia digl domber minimal dad 8 scolars. Ossa lessans an cunvagnientscha cun la Scola Surses, evaluar schi la tgira dad unfants da scola corresponsa ad en basigns dallas famiglias.

Anavos tigl travagl actual. Ia va santia tgi detta midadas?

Monika Battaglia: Ea, la nostra manadra dalla canorta, Pascale Layaa-Laulhé, sa reteira per la fegn otgover e vign a tschartger en nov pensum pi manevol agl sies datgesa, an Nagiadegna.

Bettina Bergamin: Nous ans legragn fitg da gio aveir catto cun la indigena Patrizia Plaz, ena nova manadra pedagoga. Ella dispona dalla scolaziun digl rom e da blers onns experien-scha ainten la tgira d'unfants.

Monika Battaglia: Ed ella discorra rumantsch. Per nous en cass da furtegna.

Noua vasez igls avantatgs dalla canorta per igls unfants?

Monika Battaglia: Ainten ena gruppia masdada da differentas vigliadetnas e noua tgi sa canoschan bagn, son igls unfants amprender bler ed evenimentar digitot. Igl cumpor-tamaint social vign promovia: igls unfants pi vi-gls davaintan en exampel per igls pi giovens, igls pi vi-gls amprendan pero er digls pitschens.

Purscheida dalla Canorta:

- Tgira dad unfants an la vigliadetna da treis meis anfignen antschatta scola
- Mintgamai glindesde anfignen vender-de - cun excepziun da mesemda
- Dimora minimala: en mez de l'emda

contact: tgimirola@laibella.ch,
Tel. 081 684 14 00/Verein KiBe Laibella
www.laibella.ch

Bettina Bergamin: Ed antras en decurs digl de reglo cun rituals tgi sa repetan adegna puspe scu magler, durmeir etc. sa dat ena atmosfera locca e fitg famigliara.

Da lascher survigilar igl sies unfant ainten la canorta costa er ensatge ...

Monika Battaglia: Clei. Pero èn igls costs da tgira an cumparegliazion cun otras canortas fitg favorevels - er an cumparegliazion cun purscheidas privatas. Igls costs èn adattos al-las antradas digls genitours e son neir trats giu dallas taglias.

Canortas vignan er controlladas regular-maintg?

Bettina Bergamin: Ea, e chegl è bung uscheia, per tgi la qualitat seia garanteida. Tar la con-trolla da chest onn antras igl cantun vainsa pu-spe survagnia fitg bunas notas. E giudlonder ischans loschas.

Tge son genitours interessos forsa anc betg?

Monika Battaglia: Ablers sarogl betg pertschert tgi en unfant pò er neir annunztgia er angal per en mez de l'emda. Vetiers ins pò er piglier, te-nor basigns, deis supplementars.

Bettina Bergamin: Chegl pussibilitescha agls genitours da planisar da maniera flexibla.

Ed anc en pled final ...

Monika Battaglia: Tgers genitours, tgers tats e tattas, passe eneda tar nous ainten la canorta. Nous ischans persvadias tgi vign a plascheir a Vous. La canorta d'unfants è schi schibagn per igls unfants scu er per igls genitours an Surses veiramaintg ena buna tgossa!

Tge manegian igl mastral digl cumegn Surses e differents genitours tar la Canorta Tgimirola:



Leo Thomann, mastral

Las famiglias e lour unfants èn igl avi-gneir dalla nostra val. Perchegl presta igl cumegn Surses tenor pussebladad la sia contribuziun e susti-gna la Canorta Tgimirola, per tgi igl noss cu-megn saptga porscher chest avantatg scu li per famiglias.



Carlo Klein

Nous ischans depen-dents dalla Canorta Tgimirola und leds tgi dat chella. Impor-tant per nous è: igls noss unfants von propa gugent ainten

la canorta e nous vagn fidanza ainten las col-laboratouras.



Sandra Baltermia
Nous ischans dall'i-deia tgi la canorta è ena super cumplettaziun dalla tgira antras igls tats e las tattas. Cò son els giuier aint-en ena gruppia cun unfants da madema vigliadetna e scurveir bler da nov.



Fernando Savoldelli
La tgira digls unfants ainten la canorta co-sta bagn ensatge, ma nous ischan dall'ide-ia tgi la tgira digls unfants vala dapple tgi chels daners. Ed ins survign fitg bler ana-vos.



Linda Netzer
Igls unfants vignan pi spert sen sasezs, amprendan bler per igl cumpor-tamaint social ed on bler gaudi ansemens. Er schi nous savessan la-scher tgirar igls noss unfants ainfra la fa-miglia, ans vainsa de-cidia sapientivmain-tg er per la canorta.



Tania Lemos
Essend tgi igl mies om ed ia luvragn tots dus, duvrainsa la ca-norta d'unfants. Igl noss feglò tiers chegl gio oz contact cun igls sies futurs colle-gas da scola ed am-prenda tiers chegl rumantsch e tudestg.



Fabienne Thurner
Igl contact cun las collaboratouras dalla canorta è zont betg cumplitgia e cordial. Nous vagn en bung sentimaint da purtar igls noss unfants ainten la canorta e da veir tgi els èn ainten bungs mangs.